



## Ministaup Uqaqtakhangit

Nampanga\_\_\_\_\_

Ublumi\_\_\_\_\_

Nangariyauyuq Eva Ariak  
Hivuliqtiyuq Nunavunmut

### Upalunngaiyaut Nunavuutim 10nguliqtuq Ukiunganik Tikiutilirmikmagu

Uqaqtitti, nikuviqtunnga ublumi naunaipkaigiamni havaqatitka Nunavunmiunullu quvianaqtumik quviahuutiyauyukhamik. Kavamatkut Nunavutlu ilitariyaupluni piliurhimayuq April 1, 1999mi. Una Maligaliurvik, niruaqtauhimayuq inuknit Nunavunmiunit, piliurhimayuq maligliuqtaaqtumik akhuurutaqtaumik amigaittunik akhuurutauyunit uqariyaqtaqqut ubluq tamaat maligaliuqvikmi. Atauttikkut, munariyaqqut hivunikhavut akhuurutauyunit aaniaqtailiriniqmut, ilinnialiqinirmut, titiraliqiniqmullu apirhuiyiit unalu annguhiqitjut. Tamna piliurniq kavamamik paarutigiyaa akhuuqtauyumik pitquyauniq titiraqhimayumi *Nunavunmi Nunataarutit Angirutin* puigiqtakhaunngittuqlu naunaitkutigiyauyuq Kaanatap maligaryuangata qangaraaluknitaq nunaptiknullu pipkaitjutauyuq atuqtautjutininnganik.

April 1, 2009 naunaiyaqtaa nunagiyaqqut 10<sup>nguyut</sup> quviahuutigiyauyuniq. Hulilukaaqtittinahuat talvani ublungani tamainni nunavunmi. Una tatqirhiut atulihaaliqmat Ministauyuq Nunalingni Kavamatkunnilu Pivikhaqautikkut naunaiyaqtaa 5 tausit taalamik manikharvikhangit tamainnut haamlanganut aturiami quviahuutigiyautjutikhanginnik uumunnga angiyuq quviahuutikhaq. Ilinniaqtuliyikkut tuniyullu 2 tausit 5 hannat taalamik tamarmiknut Ilinniaqtuliriyiit Katimayiit Nunallaani pipkaigiami sikuurvingit quviahuutigiamikni una alianaqtuq

ubluq. Tamaita Nunavunmi ittut nunallaat quviahuutiginiaqqaat una qangaraaluknitaq quviahuut ihumagiyamiknik.

Uqaqtittiysi, Mittimatalikmunngauniaqtunnga uvattiagu Maligaliuqtilu Tununiqmut Nangariyauyurlu Maligaliuqtiuyuq Kugluktukmut Nangariyauyurlu Maligaliuqtiuyuq Arviatmut upalunngaiyariaptikni 10nguliqtumut ukiunnganik quviahuutigilugulu iniqtiqtaptiknik. Niriqatiginiaqtaqqut niqainnaqnik Mittimatalikmiut inuulramiingillu tamainnit qaihimayut nunavunmit ilauyut vaalipaaqtut.

Tamna *Nunavunmi Nunataarutit Angirutin* ittuq ittuqlu huli Kaanataup angitqiyauyuq nunataarutaunikkut angirutauyuq. Apqutinga Nunavunmut iniqtiqhimayuq akhuurutingit taimaaqpagaillu amigaittut Inuit. July 9, 1993mi, tamna angirut atuqtauliqtuq, maligannguqtipkaivlugu Kaanatamut. Talvuuna, quviahuutigivaktaqqut July 9<sup>nguraangat</sup> ukiuq tamaat Nunavut Ublunnganik. Nunavummiut paqiniaqqaat hulilukaarnimik talvani atayuq iniqtiqtaptiknik.

Uqaqtittiysi, iniqtiriumayara uqaqtamnik pipkaiqulugit tamaita Nunavunmiutat quviahuutigilugu Nunavuutim 10nguliqtuq tikitjiutikmingmata uumani ukiumi. Mittimatalikmunngaqliqtugut aulapkaigiaptikni quviahuutinik. Uqariiyarapta Minisait Katimatillugit, pulaarniaqtavut nunallaat tamainni nunavunmi 10nguliqtuqlu tikiutiliqmingmagu nakuuqpiaqtuq nunagiyaaqqut pipkaitjutiginiaqtuq atauhirmi ukiumi quviahuutigiyauluni.

Quanaqqaqtit, Uqaqtittiysi.